



Մ Ա Յ Ր Ա Թ Ո Ռ Ո Ւ Մ

ԱՊՐԻԼԻ 7-ին, ՈՒՐԱԿԻ, «Աւետումն Ս. Աստուածածնի»: Մայր Տաճարում պատարագեց հոգեշնորհ Տ. Հուսիկ վարդապետ Սանթուրյանը:

Տոնի առթիվ Հոգևոր ձեմարանը փակ էր այդ օրը:

ԱՊՐԻԼԻ 9-ին, ԿԻՐԱԿԻ, ԿՐԿՆԱԶԱՏԻԿ. «Յիշատակ բիրտուր նահատակացն մերոց համաշխարհային առաջին և երկրորդ պատերազմաց»:

Մայր Տաճարում պատարագեց և քարոզեց հոգեշնորհ Տ. Հուսիկ վարդապետ Սանթուրյանը՝ օրվա ազգային մեծ խորհրդի մասին:

Սուրբ պատարագից հետո կատարվեց հոգեհանգստյան պաշտոն Վեհափառ Հայրապետի նախագահությամբ:

ԱՊՐԻԼԻ 11-ին, ԵՐԵՎԱՆԻ, հին տոմարով Զատիկը Բաբվում տոնելուց հետո, Մայր Աթոռ վերադարձան Հոգևոր ձեմարանի ուսանողներ բարեշնորհ Անաստաս սարկավազ Մովսիսյանը և բարեշնորհ Արշավիր սարկավազ Եաթարյանը:

ԱՊՐԻԼԻ 13-ին, ՀԻՆԳԵԱՐԹԻ, երեկոյան ժամը 4-ին, ձեմարանի սրահում, Երևանի Պետական մատենադարանի ավագ գիտական աշխատող Սուրեն Քոլանջյանը դասախոսություն կարդաց «Հայ գաղթականությունները ընդհանրապես և Ռուսիայի, Բուլղարիայի և Լեհաստանի գաղութները մասնավորապես» թեմայի շուրջ: Դասախոսությունը լավեց հետաքրքրությամբ:

Դասախոսությունից հետո հարգելի բանախոսը սիրովոր կերպով պատասխանեց ունկնդիրների հարցերին:

ԱՊՐԻԼԻ 16-ին, ԱՇԽԱՐՀԱՄԱՏՐԱՆ ԿԻՐԱԿԻ, Մայր Տաճարում պատարագեց և հա-

վուր պատշաճի քարոզեց հոգեշնորհ Տ. Գարեգին ծայրագույն վարդապետ Տեր-Հակոբյանը:

Սուրբ պատարագին ներկա էր Վեհափառ Հայրապետը:

ԱՊՐԻԼԻ 20-ին, ՀԻՆԳԵԱՐԹԻ, արտասահմանյան բազմաթիվ երկրներից մամուլի շուրջ 30 թղթակիցներ այցելեցին Մայր Տաճար և ապա ընդունվեցին Վեհափառ Հայրապետի կողմից: Նորին Ս. Օթոթյունը բարեհաճեց պատասխանել օտար թղթակիցների հարցերին:

ԱՊՐԻԼԻ 22-ին, ԵԱՐԱԹ, Հոգևոր ձեմարանի ընթերցասրահում տեղի ունեցավ գրական-գեղարվեստական երեկո, ուսանողների ուժերով: Այս անգամ Վահանյան Վիգենը կարդաց իր գրած գեղեցիկ շարադրությունը «Կենդանի հիշատակ» վերնագրով: Կատարվեցին երգեր և արտասանություններ: Ելույթ ունեցավ ձեմարանի մանդոլինիստների խմբակը:

Վեհափառ Հայրապետի իմաստալից խրատականով ավարտվեց գրական-գեղարվեստական երեկոն:

ԱՊՐԻԼԻ 23-ին, ԿԱՐՄԻՐ ԿԻՐԱԿԻ, Մայր Տաճարում պատարագեց հոգեշնորհ Տ. Գարեգին ծայրագույն վարդապետ Տեր-Հակոբյանը:

Սուրբ պատարագին ներկա էին ուխտավորներ Մոնտեվիդեոյից:

Սուրբ պատարագից հետո, Վեհափառ Հայրապետի նախագահությամբ, կատարվեց հոգեհանգստյան պաշտոն ամերիկահայ ուխտավորների նշեցյալների հիշատակին:

ԱՊՐԻԼԻ 27-ին, ՀԻՆԳԵԱՐԹԻ, Մայր Աթոռում գումարվեց ճարտարապետների հանձ-

նաժողովի հերթական նիստը: Քննարկվեցին մի շարք նախագծեր նոր Վեհարանի ներքին ձևավորման վերաբերյալ:

ԱՊՐԻԼԻ 28-ին, ՈՒՐԲԱԹ, թեմական գործերով Մայր Աթոռ ժամանեց Վրաստանի հայոց թեմի առաջնորդ գերապատիվ Տ. Կոմիտաս եպիսկոպոս Տեր-Ստեփանյանը:

ԱՊՐԻԼԻ 28-ին, ՈՒՐԲԱԹ, թեմական գործերով Մայր Աթոռ ժամանեց Շիրակի թեմի առաջնորդ հոգեշնորհ Տ. Մաշտոց վարդապետ Թաչիրյանը:

ՄԱՅԻՍԻ 4-ին, ՀԻՆԳՇԱԲԹԻ, երեկոյան ժամը 3.30-ին, Հոգևոր Ճեմարանում, Վեհափառ Հայրապետի բարձր նախագահության տակ, նշվեց երջանկահիշատակ Տ. Մաղաբիա արքեպիսկոպոս Օրմանյանի ծննդյան 120-ամյակը:

Գործադրվեց գեղարվեստական պատշաճ հայտագիր՝ բաղկացած շարականներից, արտասանություններից, երգերից և խմբերգերից:

Լուսահոգի պատրիարքի կյանքի, գործունեության, ժամանակաշրջանի, հոգեբանու-

թյան և մատենագրական վաստակի մասին բովանդակալից ղեկուցումով հանդես եկավ «Քջմիածին» ամսագրի խմբագիր և Հոգևոր Ճեմարանի դասախոս Ա. Հատիտյանը:

Հանդիսություն վերջավորության Վեհափառ Հայրապետը, ոգեկոչելով հիշատակը մեծանուն եկեղեցականի, ուսանողության խոսեց գեղեցիկ մի խրատական՝ ծանրանալով Օրմանյան սրբազանի նկարագրի կայունության, դեպի հոգևոր ասպարեզը ունեցած հավատարմության և սիրո մասին: Իր խրատականի վերջում Վեհափառ Հայրապետը հորդորեց ուսանողությանը՝ որպես հայ հոգևորականի մտատիպար ունենալ Օրմանյան սրբազանի կյանքն ու գործունեությունը:

Օրմանյան սրբազանի ծննդյան 120-ամյակին նվիրված այս հիշատակելի հանդիսությունը վերջացավ Վեհափառ Հայրապետի «Պահպանիչ»-ով և խմբովին երգված Տերունական աղոթքով:

ՄԱՅԻՍԻ 7-ին, ԿԻՐԱԿԻ, Մայր Տաճարում եպիսկոպոսական հանդիսավոր պատարագ մատուցեց Վրաստանի հայոց առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը:

